


孫真人備急千金要方

五



孫真人千金方卷之十

分四

孫真人千金方卷之十一

分五

孫真人千金方卷之十二

分六

孫真人千金方卷之十三

分七



上海涵芬樓影印正統道藏本



南京中醫藥大學圖書館版權所有

孫真人備急千金要方卷之十

分四

宋朝奉郎守太常少卿充祕閣校理林億等校正

少小嬰孺方

驚癇第三

論 候癇法
方 灸法

論曰少小所以有癇病及瘵病者皆由臟氣

不平故也新生即癇者是其五臟不收斂血

氣不聚五脉不流骨怯不成也多不全育其

一月四十日已上至期歲而癇者亦由乳養

失理血氣不和風邪所中也病先身熱掣癇

驚啼叫喚而後發癇脉浮者為陽癇病在六



腑外在肌膚猶易治也病先身冷不驚掣不
啼呼而病發時脉沉者為陰癇病在五臟內
在骨髓極難治也病發身軟時醒者謂之癇
也身強直反張如弓不時醒者謂之瘓也諸
反張大人脊不容側手小兒容三指者不可

分四

復治也凡脉浮之與沉以判其病在陰陽表
裏耳其浮沉復有大小滑澁虛實遲駛諸證
各依脉形為治神農本草經說小兒驚癇有
一百二十種其證候微異於常便是癇候也
初出腹血脉不斂五臟未成稍將養失宜即

為病也時不成人其經變蒸之後有病餘證
並寬惟中風最暴卒也小兒四肢不好驚掣
氣息小異欲作癇及變蒸日滿不解者並宜
與龍膽湯凡小兒之癇有三種有風癇有驚
癇有食癇然風癇驚癇時時有之十兒之中
未有一二是風驚者凡是先寒後熱發者皆
是食癇也驚癇皆按圖灸之風癇當與猪心
湯食癇當下乃愈紫丸佳凡小兒所以得風
癇者緣衣暖汗出風因入也風癇者初得之
時先屈指如數乃發作者此風癇也驚癇者



起於驚怖大啼乃發作者此驚癇也驚癇微者急持之勿復更驚之或自止也其先不哺乳吐而變熱後發癇者此食癇早下則瘥四味紫丸逐癖飲最良去病速而不虛人赤丸本無赤丸方諸醫方並無按此服四味紫丸不得下者當以赤丸赤丸差駛病重者當用之今次後癖結脹滿篇中第一方八味名紫雙丸者用朱砂色當赤用巴豆又用甘遂比紫丸當駛疑差駛病重者當用之凡小兒不此即赤丸也能乳哺當與紫丸下之小兒始生生氣尚盛但有微惡則須下之必無所損及其愈病則致深益若不時下則成大疾疾成則難治矣

孫真人備急千金要方

凡下四味紫丸最善雖下不損人足以去疾

若四味紫丸不得下者當以赤丸下之赤丸

不下當倍之若已下而有餘熱不盡當按方

作龍膽湯稍稍服之并摩赤膏方見本篇末風癇

亦當下之然當以猪心湯下之驚癇但按圖

灸之及摩生膏方見本篇末不可大下也何者驚

癇心氣不定一作足下之內虛益令甚爾驚癇

甚者特為難治故養小兒常慎驚勿令聞大

聲抱持之間當安徐勿令驚怖又天雷時當

塞兒耳并作餘細聲以亂之也凡養小兒皆

微驚以長其血脉但不欲大驚大驚乃灸驚
脉若五六十日灸者驚復更甚生百日後灸
驚脉乃善兒有熱不欲哺乳卧不安又數驚
此癇之初也服紫丸便愈不愈復與之兒眠
時小驚者一月輒一以紫丸下之減其盛氣

分四

三

令兒不病癇也兒立夏後有病治之慎勿妄
灸不欲吐下但以除熱湯浴之除熱散粉之

除熱湯散見下
篇傷寒條中

除熱赤膏摩之又以膏塗臍

中令兒在涼處勿禁水漿常以新水飲之小
兒衣甚薄則腹中乳食不消不消則大便皆

孫真人備急千金要方

醋臭此欲為癖之漸也便將紫丸以微消之
服法先從少起常令大便稀勿大下也稀後
便漸減之不醋臭乃止藥也凡小兒冬月下
無所畏夏月下難瘥然有病者不可不下下
後腹中當小脹滿故當節哺乳數日不可妄
下又乳哺小兒當令多少有常劑兒漸大當
稍稍增之若減少者此腹中已有小不調也
便微服藥勿復哺之但當與乳甚者十許日
微者五六日止哺自當如常若都不肯食哺
而但欲乳者此是有癖為疾重要當下之不

可不下不下則致寒熱或吐而發癰或更致
下痢此皆病重不早下之所為也此即難治
矣但先治其輕時兒不耗損而病可速愈凡
小兒屎黃而臭者此腹中有伏熱宜微將服
龍膽湯若白而醋臭者此挾宿寒不消也當
服紫丸微者少與藥令內消甚者小增藥令
小下皆復節乳哺數日令胃氣平和若不節
乳哺則病易復復下之則傷其胃氣令腹脹
滿再三下之尚可遇則傷矣凡小兒有癖其
脉大必發癰此為食癰下之便愈當審候掌



孫真人備急千金要方

中與三指脉不可令起而不時下致於發癇
則難療矣若早下之此脉終不起也脉在掌
中尚可早療若至指則病增矣凡小兒腹中
有疾生則身寒熱寒熱則血脉動動則心不
定心不定則易驚驚則癇發速也

分四

四

候癇法

夫癇小兒之惡病也或有不及求醫而致困
者也然氣發於內必先有候常宜審察其精
神而採其候也

手白肉魚際脉黑者是癇候魚際脉赤

者熱

脉青大者寒脉青細者為平也

鼻口乾燥大小便不利是癰候

眼不明上視喜陽是癰候

耳後完骨上有青絡盛卧不靜是癰候

青脉刺之令血出也

小兒髮逆上啼笑面暗色不變是癰候

鼻口青時小驚是癰候

目閉青時小驚是癰候

身熱頭常汗出是癰候



孫真人備急千金要方

身熱吐衄而喘是癰候

身熱目時直視是癰候

喜欠目上視是癰候

身熱目視不精是癰候

目瞳子卒大黑於常是癰候

分四

卧惕惕而驚手足振搖是癰候

五

卧夢笑手足動搖是癰候

意氣下而妄怒是癰候

咽乳不利是癰候

身熱小便難是癰候



吐痢不止厥痛時起是癰候

弄舌搖頭是癰候

已上諸候二十餘條皆癰之初也見其候便
爪其陽脉所應灸爪之皆重手令兒驟啼及
足絕脉亦依方與湯宜視瞳子動腹滿轉鳴
下血身熱口噤不得乳反張脊強汗出發熱
為卧不悟手足掣癡喜驚凡八條癰之極者
也如有此非復湯爪所能救便當時灸之
論曰若病家始發便來詣師師可診候所解
為法作次序治之以其節度首尾取瘥也病



孫真人備急千金要方

家已經雜治無次序不能制病病則變異其
本候後師便不知其前證虛實直依其後證
作治亦不得瘥也要應精問察之為前師所
配依取其前蹤跡以為治乃無逆耳前師處
湯本應數劑乃瘥而病家服一兩劑未效便
謂不驗已後更問他師師不尋前人為治寒
溫次序而更為治而不次前師治則弊也或
前已下之後須平和療以接之而得瘥也或
前人未下之或不去者或前治寒溫失度後
人應調治之是為治敗病皆須邀射之然後

免耳不依次第及不審察必及重弊也

龍膽湯治嬰兒出腹血脉盛實寒熱溫壯四

肢驚掣發熱大吐嘔者若已能進哺中食實

不消壯熱及變蒸不解中客入鬼氣并諸驚

癇方悉主之十歲已下小兒皆服之小兒龍

分四

六

膽湯第一此是新出腹嬰兒方若日月長大

者以次依此為例若必知客忤及有魃氣者

可加人參當歸各如龍膽多少也一百日兒

加三銖二百日兒加六銖一歲兒加半兩餘

藥皆准耳